

Exemplum aliæ litterarum ex Alemania ad

Magnifice Domine;

Accepimus litteras vestras, ex quibus pariter et ex Epershofer germano earumdem latore, . . . operam pro liberatione affinium et sodalium nostrorum, qui Venetiis captivi detinentur, a vobis tanta industria navatam, vosque illorum redemptionem obtulisse intelligimus. Vobis ideo condignas gratias agimus, condigniores, ubi opportuna sese obtulerit occasio atque id honeste facere poterimus, relaturi. Qua de re, supra huiusmodi negotio cum Sacratissima Cæsarea Majestate agimus, ab eaque impetravimus litteras patentes quibus Majestas Sua concedit illustri domino viceregi omnimodam facultatem huiusmodi liberationis, tam germanorum, quam hispanorum vobiscum seu cum Illustrissimo Dominio Veneto finaliter tractandæ, quemadmodum ex ipsarum litterarum exemplari præsentibus alligato largius intelligetis. Vosque ideo honorifici militaris instituti venerando intuitu plurimum adhortamur, præsertim quum vos disciplinæ bellicæ observantissimi, milites in tam misera captivitate detineri equis oculis in-

spicere non posse minime equidem dubitemus, velit cum Illustrissimo Dominio Veneto, seu alias ubicumque facto opus fuerit, tam solerti diligentia cum tanto affectu elaborare atque efficere ut prædicti captivi, tam germani et hispani, quam etiam itali, a captivitate eo modo semel tandem liberentur. Quem a suprano-
290 • minato Epershofer latius percipietis; quod si quid nostris unquam viribus eniti, idque cum Sacratissima Cæsarea Majestatis ut nostro honore efficere poterimus, ubicumque commodum et ornamentum vestrum postularit, condigna vicissitudine recompensare non erimus immemores.

Datae Inspruch, die tertio Februarii 1515.

Sacratissimæ Cæsareæ Majestatis nos curiales rogavimus illustres barones dominum Georgium de Firmiano capitaneum in Ortemburg, dominum Johannem de Auersperg capitaneum Carniolæ, ac magnificum dominum Georgium de Emershofen magistrum stabuli, ejusdem Cæsareæ Majestatis consiliarios, ut in præmissorum omnium fidem manibus propriis se subscriberent, ac præsentibus anulorum ipsorum impressione corroborarent.

FINE DEL TOMO DECIMONONO.